

# على الله



□ محمد راشد المناعي

إذا شفت فإخواني قصور نصحتهم  
كما ينصح الوالد مقصر بولدانه

فلاني مجاهر به ولاني بفاضحه  
بلين وحكمه يوصل المقصد آذانه

فلا كل من ينصح بتنفع نصيحته  
ولا كل من يسعى نفع معه سعيانه

ولاني من اللي لا سمع قول صدقه  
وأقوم أنتفض من قول يطفح ببهتانه

بحكي يوديني وحكي يجيبني  
ما اصدق لمقوله سوى بعد تبيناه

ولا كل راعي مال بالمال يكرمك  
ولا كل ذا منصب ينفعك بطلبانه

أجمّل رفيقي لا تردا بوقفتي  
وأيسر له العسره وأعسر بعدوانه

على الله يا قلب شكا الضيم واعوانه  
ونفس يجرعها القهر حر نيرانه

تصافق بي أفكاري كما صفقة البحر  
ظهر مركب ما شددت الموج ليحانه

واذكر زمان فيه عشت ببراءتي  
ما شفت الأخو إلا يبي الزين لآخوانه

وشفت البشر كلن نواياها صافيه  
كما الماي صافي لا انحدر بين وديانه

وذا اليوم كلن قال نفسي نفيستي  
وغيري رخيص ما رجح فيه ميزانه

بعصر التحضر يعني تناقض الستر  
وبعض العرب أستر لو تسير عريانه

ترى الأجوادي منه بقي كم أجودي  
ولا خان به طبعه لو إن الزمن خانه